

卷之九



陸平原集目錄

卷之一

賦

文賦

遂志賦

祖德賦


述先賦

思親賦

別賦

安政七陸

陸平原集





懷土賦

思歸賦

行思賦

感時賦

歎逝賦

愍思賦

述思賦

大暮賦

感丘賦

又

卷之二

賦

列倦賦

凌霄賦

幽人賦

應嘉賦

豪士賦

浮雲賦

白雲賦



鼓吹賦 又

漏刻賦

羽扇賦

桑賦

辰賦

鱉賦

卷之三

樂府

短歌行

秋胡行

隴西行

日出東南隅行

挽歌三首

長歌行

君子行

從軍行

苦寒行

豫章行



長安有狹邪行

塘上行

折楊柳行

飲馬長城窟行

門有車馬客行

權歌行

太山吟

梁甫吟

東武吟行

班婕妤

駕言出北闕行

君子有所思行

悲哉行

齊謳行

吳趨行

前緩聲歌

吳趨行

飲酒樂



董桃行

上留田行

飲酒樂

燕歌行

猛虎行

鞠歌行

順東西門行

日重光行

月重輪行

百年歌十首

卷之四

詩

皇太子宴玄圃宣猷堂有命賦詩

皇太子賜讌詩

贈馮文熊遷斥丘令 八章

答賈謐 十一章 有序

潘岳為賈謐作贈陸機十一章附

贈弟士龍 十章 有序



陸平原集  
贈潘尼

潘尼答陸士衡附

答潘尼

潘尼贈陸機出爲吳王郎中令附

贈馮文羆

於承明作與弟士龍

贈弟士龍

贈尚書郎顧彥先二首

贈顧交趾公貞

答張士然

贈從兄車騎

爲顧彥先贈婦二首

爲陸思遠婦作

爲周夫人贈車騎

祖道畢雍孫劉邊仲潘正叔

赴洛二首

赴洛道中作二首

吳王郎中時從梁陳作



擬行行重行行

擬今日良宴會

擬迢迢牽牛星

擬涉江采芙蓉

擬青青河畔草

擬明月何皎皎

擬蘭若生朝陽

擬青青陵上栢

擬東城一何高

擬西北有高樓

擬庭中有奇樹

擬明月皎夜光

招隱詩

遨遊出西城

園葵詩二首

贈波丘令馮文羆

贈顧彥先

贈紀士



贈潘正叔

招隱二首

尸鄉亭

三月三日

春詠

詠老

講漢書詩

秋詠

失題二首

卷之五

表

謝平原內史表

薦賀循郭訥表

見原後謝表

薦張暢表

牋

與趙王倫薦戴淵牋

同前



至洛與成都王穎牋

書

與弟雲書四首

七

七徵

連珠

演連珠五十首

卷之六

論

五等諸侯論

辨亡論上

辨亡論下

議

大田議

卷之七

頌

漢高祖功臣頌

贊



孔子贊

王子喬贊

箴

丞相箴

策文

策秀才文六首

紀瞻對策六首附

傳

顧譚傳

卷之八

碑

晉平西將軍孝侯周處碑

誄

吳大帝誄

愍懷太子誄

吳大司馬陸公誄

吳貞獻處士陸君誄

弔文



弔魏武帝文

弔蔡邕文

哀辭

吳大司馬陸公少女哀辭

附錄

陸機傳

唐太宗

酬皮襲美

唐陸龜蒙

陸平原宅

宋唐詢

陸平原宅

宋王安石

崑山

宋王安石

遺事

集評

糾謬

晉劉處士參妻王氏夫人誄

文賦



附錄

陸倕集

晉陸倕士參贊王元封入着

酬集稿

唐陸倕集

陸叢集

宋陸叢集

陸豐山宅

宋宋安海言

陸平原集卷之一



晉吳郡陸機士衡著

明閩漳張燮紹和纂

賦

文賦

有序

余每觀才士之所作竊有以得其用心夫其放言遣辭良多變矣妍蚩好惡可得而言每自屬文尤見其情恒患意不稱物文不逮意蓋非知之難能之難也故作文賦以述先士之盛藻因



論作文之利害所由他日殆可謂曲盡其妙至於操斧伐柯雖取則不遠若夫隨手之變良難以辭逮蓋所能言者具於此云爾

佇中區以玄覽願情志於典墳遵四時以歎逝瞻萬物而思紛悲落葉於勁秋喜柔條於芳春心惻惻以懷霜志耿耿而臨雲詠世德之駿烈誦先人之清芳游文章之林府嘉麗藻之彬彬慨投篇而援筆聊宣之乎斯文其始也皆收視反聽耽思傍訊精騫八極心遊萬仞其致也疇

臆隴而彌鮮物昭晰而互進領羣言之瀝液漱六藝之芳潤浮天淵以安流濯下泉而潛浸於是沈辭怫悅若游魚銜鈞而出重淵之深浮藻聯翩若翰鳥纓繳而墜層雲之峻收百世之闕文採千載之遺韻謝朝華於已披啓夕秀於未振觀古今於須臾撫四海於一瞬然後選義按部考辭就班抱景者咸叩懷響者畢彈或因枝以振葉或沿波以討源或本隱以之顯或求易而得難或虎變而獸擾或龍見而鳥瀾或妥帖



而易施或咀晤而不安聲澄心以凝思眇衆慮  
而爲言籠天地於形內控萬物於筆端始躑躅  
於燥吻終流離於濡翰理扶質以立幹文坐條  
而結繁信情貌之不差故每變而在顏思涉樂  
其必笑方言哀而已歎或操觚以率爾或含毫  
而邈然伊茲事之可樂固聖賢之所欽課虛無  
以責有叩寂寞而求音函縣邈於尺素吐滂沛  
乎寸心言恢之而彌廣思按之而逾深播芳蕤  
之馥馥發青條之森森繁風飛而飈豎鬱雲起

狀辭程才以效伎意司契而爲匠在有無而僱  
免當淺深而不讓雖離方而趨圓期窮形而盡  
相故夫誇目者尚奢愜心者貴當言窮者無隘  
論達者唯曠詩緣情而綺靡賦體物而瀏亮碑  
披文以相質誄纏絲而悽愴銘博約而溫潤箴  
頓挫而清壯頌優游以彬蔚論精微而朗暢奏  
平徹以閑雅說煒燁而譎詭雖區分之在茲亦  
禁邪而制放要辭達而理舉故無取乎冗長其



陸平原集 卷一 三  
爲物也多姿其爲體也屢遷其會意也尚巧其  
遣言也貴妍暨音聲之迭代若五色之相宣雖  
逝止之無常固崎錡之難便苟達變而識次猶  
開流以納泉如失機而後會常操末以續巔謬  
玄黃之秩叙故渙恣而不鮮或仰逼於先條或  
俯侵於後章或辭害而理比或言順而義妨離  
之則雙美合之則兩傷考殿最於錙銖定去留  
於毫芒苟銓衡之所裁固應繩其必當或文繁  
理富而意不指適極無兩致盡不可益立片言

而居要乃一篇之警策雖衆辭之有條必待茲  
而效績亮功多而累寡故取足而不易或藻思  
綺合清麗芊眠炳若緝繡悽若繁絃必所擬之  
不殊乃暗合乎曩篇雖杼軸於予懷怵他人之  
我先苟傷廉而愆義亦雖愛而必捐或若發穎  
監離衆絕致形不可逐響難爲係塊孤立而特  
峙非常音之所緯心牢落而無偶意徘徊而不  
能掃石韞玉而山暉水懷珠而川媚彼榛楛之  
勿翦亦蒙榮於集翠綴下里於白雪吾亦濟夫



所偉或託言於短韻對窮迹而孤興俯寂寞而  
無友仰寥廓而莫承譬偏絃之獨張含清唱而  
靡應或寄辭於瘁音言徒靡而弗華混妍蚩而  
成體累良質而爲瑕象下管之偏疾故雖應而  
不和或遺理以存異徒尋虛以逐微言寡情而  
鮮愛辭浮漂而不歸猶絃么而徽急故雖和而  
不悲或犇放以諧合務嘈噴而妖冶徒悅目而  
偶俗固聲高而曲下寤防露與業間又雖悲而  
不雅或清虛以婉約每除煩而去濫闕大羹之  
遺味同朱絃之清汜雖一唱而三嘆固旣雅而  
不豔若夫豐約之裁俯仰之形因宜適變曲有  
徵情或言拙而喻巧或理朴而詞輕或襲故而  
彌新或汨濁而更清或覽之而必察或研之而  
後精譬猶舞者赴節以投袂歌者應絃而遣聲  
是蓋輪扁所不得言故亦非華說之所能精普  
辭條與文律良余膺之所服練世情之常尤識  
前脩之所淑雖濬發於巧心或受嗤於拙目彼  
瑯敷與玉藻若中原之有菽同橐籥之罔窮與



天地乎並育雖紛藹於此世嗟不盈於予掬患  
 挈甕之屢空病昌言之難屬故蹉跎於短韻放  
 庸音以足曲恒遺恨以終篇豈懷盈而自足懼  
 蒙塵於叩缶顧取笑乎鳴玉若夫感應之會通  
 塞之紀來不可遏去不可止藏若景滅行猶響  
 起方天機之駿利夫何紛而不理思風發於胃  
 臆言泉流於唇齒紛葳蕤以駁選唯毫素之所  
 擬文徽徽以溢目音冷冷以盈耳及其六情底  
 滯志往神留兀若枯木豁若涸流攬營魂以探

心頓精爽而自求理翳翳而愈伏思軋軋其若  
 抽是以或竭情而多悔或率意而寡尤雖茲物  
 之在我非余力之所勦故時撫空懷而自惋吾  
 未識夫開塞之所由也伊茲文之為用固衆理  
 之所因恢萬里使無闕通億載而為津俯貽則  
 於來葉仰觀象於古人濟文武於將墜宣風聲  
 於不泯塗無遠而不彌理無微而弗綸配霑潤  
 於雲雨象變化乎鬼神被金石而德廣流管絃  
 而日新



亦來葉中購象效古志微文左左絲望宜風贊  
 之祖因对萬里對無閱無謝輝而亦其謝謝  
 未端夫開塞之祖由也其茲文之為風固翠壁  
 之式非非余之祖憐姑却無空謝而自謝吾  
 蘇長以如融計而多謝如率意而寡其謝  
 淵融融爽而自來豐潔潔而自來其謝其謝

遂志賦 有序

昔雀篆作詩以明道述志而馮衍又作顯志賦  
 班固作幽通賦皆相依倣焉張衡思玄蔡邕玄  
 表張叔哀系此前世之可得言者也雀氏簡而  
 有情顯志壯而泛濫哀系俗而時靡玄表雅而  
 微素思玄精練而和惠欲麗前人而優游清典  
 漏幽通矣班生彬彬切而不絞哀而不怨矣雀  
 蔡冲虛温敏雅之屬也衍抑揚頓挫怨之徒也  
 豈亦窮達異事而聲為情變乎余備托作者之



陶子履集 卷一 七  
末聊復用心焉

武定鼎於洛汭胡受瑞於汝墳繇鳴鳳於百祀  
啓敬伸乎方震苟天光之所照豈舜族其必陳  
厭禋祀於故墟饗禴祭於東鄰禰八葉而松茂  
舞九韶乎降神系姜叟於海曲表滄流於遠震  
仰前蹤之緜邈豈孤人之能胄匪世祿之敢懷  
傷茲堂之不構理或睽而後合道有夷而弗順  
傳棲崑而神交伊荷鼎以自進蕭綢繆於豐沛  
故攀龍而先躍陳頓委於楚魏亦凌霄以自濯  
任被刑而伏劍魏和戎而擁樂彼殊塗而並致  
此同川而偏溺禍無景而易逢福有時而難學  
惟萬物之運動雖紛糾而相襲隨性類以曲成  
故圓行而方立要信心而委命援前修以自程  
擬遺跡於成軌詠新曲於故聲任窮達以逝止  
亦進仕而退耕庶斯言之不渝抱耿介以成名



亦豈其而髮捩其謀言之不愈其殆不以其各  
鐵豈祖欲其轉精藻曲欲其登其靈靈以或止  
好圓其而衣立要計以而委命對前參以自野  
郵萬其之聖禮觀然除而臥其靈靈其靈其靈  
便其其而前其靈其靈其靈其靈其靈其靈其靈  
其靈其靈其靈其靈其靈其靈其靈其靈其靈其靈

祖德賦

咨時文之懿祖膺降神之靈曜棲九德以弘道  
振風烈以增劭彼劉公之矯矯固雲網之逸禽  
既憑形以傲物諒傳翼而棲林伊我公之秀武  
思無幽而弗昶形鮮烈於懷霜澤溫惠乎挾纊  
收希世之洪捷固山谷而爲量西夏坦其無塵  
帝命赫而大壯登具瞻於太階濯長纓乎天漢  
解戎衣以高揖正端冕而大觀戢靈武於既曜  
恢時文於未煥騰絕風以逸驚庶遐蹤於公且



述先賦

仰先后之顯烈懿暉祚之允輯應遠期於已曠  
昭前光於未戢抱朗節以遐慕振竒迹而峻立  
在虐臣之貪禍據西山而作違招長轂於河畔  
飲冀馬乎江湄頓雲網而潛泳揮神戈而外臨  
敵罔隆而弗夷逆無微而不禽茂德鞞其旣休  
元勲曄而洊舉龍袞服於太階配三台乎其所  
是故其生也榮雖萬物咸被其仁其亡也哀雖  
天網猶失其綱嬰國命以逝止亮身沒而吳亡

思親賦

悲棠梓之悠曠愧蒸嘗之弗營指南雲以寄款  
望歸風而効誠年歲俄其聿暮明星爛而將清  
迴飈蕭以長赴零雪紛其下積羹織枝之在榦  
悼落葉之去枝存顧復之遺志感明發之所懷  
居辭安而厭苦養引約而推豐忘天命之晚暮  
願鞠子之速融兄瓊芳而蕙茂弟蘭發而玉暉  
感瑰姿之晚就痛慈景之先違天步悠長人道  
短矣異途同歸無早晚矣



別賦

伊公子之可懷悲永別之局期悼同居之無樂  
曾不踰乎一晷經春秋之寒暑常戚戚而不怡  
登九層而脩觀超臨遠以相思

懷土賦

有序

余去家漸久懷土彌篤方思之殷何物不感曲  
街委巷罔不興詠水泉草木咸足悲焉故述斯  
賦

背故都之沃衍適新邑之丘墟遵黃川以葺宇  
被蒼林而卜居悼孤生之已晏恨親沒之何速  
排虛房而永念想遺塵其如玉眇絲邈而莫覲  
徒佇立其焉屬感亡景於存沒惋墮年於拱木  
悲顧盼而有餘思俯仰而自足留茲情於江介



寄瘁貌於河曲玩通川以悠想撫征轡而躑躅  
伊命駕之徒勤慘歸途之良難愍棲鳥於南枝  
吊離禽於別山念庭樹以悟懷憶路草以解顏  
甘董茶於飴芑締蕭艾其如蘭神何寢而不夢  
形何興而不言

思歸賦 有序

余以元康六年冬取急歸而王師外征職典中  
兵與聞軍政懼兵革未息宿願有違懷歸之思  
憤而成篇

節運代序四時相推寒風肅殺白露霑衣嗟行  
邁之彌留感時逝而懷悲彼離思之在人恒戚  
戚而無歡悲緣情以自誘憂觸物而生端晝輟  
食而發憤宵假寐而興言美歸鴻以矯首挹谷  
風而如蘭歲靡靡而薄暮心悠悠而增楚風霏



西平府集 卷一  
三  
霏而入室響冷冷而愁予旣遨遊乎川汜亦改  
駕乎山林伊我思之沉鬱愴感物而增深歎隨  
風而上逝涕承纓而下尋冀王事之暇豫庶歸  
寧之有時候涼風而警策指孟冬而爲期願靈  
暉之促景恒立表以望之

行思賦

背洛浦之遙遙浮廣川之裔裔遵河曲以悠遠  
觀通流之所會啓石門而東縈汾汴渠其如帶  
託飄風之習習冒沉雲之藹藹商秋肅其發節  
玄雲霈而垂陰涼風淒其薄體零雨鬱而下淫  
覩川禽之遵渚看山鳥之歸林揮清波以濯羽  
翳綠葉而弄音行彌久而情勞途愈近而思深  
美品物以獨感悲綢繆而在心嗟逝官之永久  
年荏苒而歷茲越河山而託景眇四載而遠期



孰歸寧之弗樂獨抱感而弗怡

其山嶮峻而垂劍京風寒冽而  
其雲靈而垂劍京風寒冽而  
其風之習習其風之習習  
其風之習習其風之習習  
其風之習習其風之習習  
其風之習習其風之習習  
其風之習習其風之習習  
其風之習習其風之習習  
其風之習習其風之習習  
其風之習習其風之習習

行思類

感時賦

悲夫冬之為氣亦何憺慄以蕭索天悠悠其彌  
高霧鬱鬱而四幕夜絲邈其難終日晚晚而易  
落敷層雲之歲蕤墜零雪之揮霍冰冽冽而寢  
興風謖謖而妄作鳴枯條之冷冷飛落葉之漠  
漠山崆嶲以含瘁川蛟蛇而抱涸望八極以矐  
漭普宇宙而寥廓伊天時之方慘曷萬物之能  
歡魚微微而求偶獸岳岳而相攢猿長嘯於林  
杪鳥高鳴於雲端矧余情之含瘁恒覩物而增



酸歷四時之迭感悲此歲之已寒撫傷懷以嗚咽望永路而沉瀾

歎逝賦 有序

昔每聞長老追計平生同時親故或彫落已盡或僅有存者余年方四十而懿親戚屬亡多存寡暱交密友亦不半在或所曾共遊一塗同宴一室十年之內索然已盡以是思哀哀可知矣乃爲賦曰

伊天地之運流紛升降而相襲日望空以駿驅節循虛而警立嗟人生之短期孰長年之能執時飄忽其不再老眈晚其將及懟瓊藥之無徵



恨朝霞之難挹望賜谷以企予惜此景之屢戢  
悲夫川閱水以成川水滔滔而日度世閱人而  
爲世人冉冉而行暮人何世而弗新世何人之  
能故野每春其必華草無朝而遺露經終古而  
常然率品物其如素譬日及之在條恒雖盡而  
不悟雖不悟而可悲心惘焉而自傷亮造化之  
若茲吾安取夫久長痛靈根之夙殞怨具爾之  
多喪悼堂構之頽瘁愍城闕之丘荒親彌懿其  
已逝交何戚而不亡咨余命之方殆何視天之

茫茫傷懷悽其多念感貌瘁而鮮歡幽情發而  
成緒滯思叩而興端慘此世之無樂詠在昔而  
爲言居充堂而衍宇行連駕而比軒彌年時其  
詎幾夫何往而不殘或冥邈而旣盡或寥廓而  
僅半信松茂而栢悅嗟芝焚而蕙歎苟性命之  
弗殊豈同波而異瀾瞻前軌之旣覆知此路之  
良難啓四體而深悼懼茲形之將然毒娛情之  
寡方怨感目之多顏諒多顏之感目神何適而  
獲怡尋平生於響像覽前物而懷之步寒林以



悽惻翫春翹而有思觸萬物以生悲歎同節而  
 異時年彌往而念廣塗薄暮而意迨親落落而  
 日稀友靡靡而愈索顧舊要於遺存得十一於  
 千百樂隕心其如忘哀緣情而來宅託末契於  
 後生余將老而為客然後弭節安懷妙思天造  
 精浮神淪忽在世表寤大暮之同寐何矜晚以  
 怨早指彼日之方餘豈茲情之足攬感秋華於  
 衰木瘁零露於豐草在殷憂而弗違夫何云乎  
 識道將願天地之大德遺聖人之洪寶解心累  
 於末迹聊優游以娛老

子屢抱孔懷之痛而愈夜長同生  
 血衰傷

一載之間而喪制便過故什此賦  
 慘惻之

感

時方至其倏忽歲既去其晚晚樂與日之有繼

易頭年之莫纂覽萬物以念世自始之遠



千百樂曠心其如忘  
後生余將老而為客  
然後與節安如忘天  
精浮神淪忽在世表  
怨早指彼日之方條  
衰木瘁零露於豐草  
歲未極淵淵以賦

愍思賦

有序

予屢抱孔懷之痛而奄復喪同生娣銜恤哀傷  
一載之間而喪制便過故作此賦以紓慘惻之

感

時方至其倏忽歲旣去其晬晚樂來日之有繼  
傷頽年之莫纂覽萬物以澄念怨伯娣之已遠  
尋遺塵之思長瞻日月之何短升降乎階際顧  
盼兮屏營雲承宇兮藹藹風入室兮冷冷僕從  
為我悲孤鳥為我鳴



述思賦

情易感於已攬思難戢於未忘嗟伊思之且爾  
夫何往而弗臧駭中心於同氣分戚貌於異方  
寒鳥悲而饒音衰林愁而寡色嗟余情之屢傷  
負大悲之無力苟彼塗之信險恐此日之行曷  
亮相見之幾何又離居而別域觀尺景以傷悲  
撫寸心而悽惻

大暮賦

有序

夫死生是得失之大者故樂莫甚焉哀莫深焉  
使死而有知乎安知其不如生如遂無知耶又  
何生之足戀故極言其哀而終之以達度以開  
夫近俗云

夫何天地之遼濶而人生之不可久長日引月  
而並隕時維歲而俱喪知自壯而得老體自老  
而得亡顧黃墟之杳杳悲泉路之翳翳挫千乘  
猶一毫當何數乎智慧徒假願於須臾指夕景



而爲誓忽呼吸而不振奄神徂而形斃顧萬物  
而遺恨收百慮而長逝於是六親雲起姻族如  
林爭塗淹淚望門舉音敷幄席以悠想陳備物  
而虞靈仰寥廓而無見俯寂寞而無聲有饒饒  
其不毀酒湛湛而每盈屯送客於山足伏珽道  
而哭之扃幽戶以大畢訴玄闕而長辭歸無塗  
今往不反年彌去兮逝彌遠彌遠春日隔無塗  
今曷因庭樹兮葉落暮草兮根陳

### 感丘賦

泛輕舟於西川背京室而電飛遵伊洛之坻渚  
沿黃河之曲湄覩墟墓於山梁託崇山以自綏  
見兆域之藹藹羅魁封之纍纍於是徘徊洛涯  
弭節河干佇盼留心慨爾遺歎仰終古以遠念  
窮萬緒乎其端伊人生之寄世猶水草乎山河  
應甄陶以歲改順通川而曾過爾乃申舟人以  
遂往橫大川而有悲傷年命之倏忽怨天步之  
不幾雖履信而思順曾何足以保茲普天壤其



弗免寧吾人之所辭願靈根之晚墜指歲暮而為期

又

生矜跡於當世死同宅乎一丘翳形骸以下淪  
兮漂營魂而上浮隨陰陽以融冶託山原以為  
疇妍媸混而為一孰云識其所脩必眇代以遠  
覽兮夫何徇乎區陳

陸平原集卷之二

晉吳郡陸機士衡著

明閩漳張燮紹和纂

賦

列僊賦

夫何列僊玄妙超攝生乎世表因自然以為基  
仰造化而聞道性冲虛以易足年緬邈其難老  
爾乃呼翕九陽抱一含元引新吐故雲飲露冷  
違品物以長盼妙羣生而為言爾其嘉會之仇



息宴遊棲則昌客弄玉洛宓江妃觀百化於神  
區觀天皇於紫微過太華以息駕越流沙而來  
歸

凌霄賦

挾至道之容微狹流俗之紛沮颺余節以遠模  
風扶搖而相予削陋跡於分丘省遊僊而投軌  
飢情累以遂濟豈時俗之云阻判煙雲之騰躍  
半天步而無旅詠凌霄之飄飄永終焉而弗悔  
昊蒼煥而運流日月翻其代序下霄房之靡迄  
卜良晨而復舉陟瑤臺以投轡步玉除而容與



幽人賦

世有幽人漁釣乎玄渚彈雲冕以辭世披霄褐  
而延佇是以物外莫得窺其奧舉世不足揚其  
波勁秋不能雕其葉芳春不能發其華超塵冥  
以絕緒豈世網之能加

應嘉賦

有序

友人有作嘉遁賦與余者作賦應之號曰應嘉  
云

傲世公子體逸懷遐意邈澄霄神夷靜波仰羣  
軌以遙企頓駿羽以婆娑寄冲氣於大象解心  
累於世羅襲三閭之奇服詠南榮之清歌濯下  
泉於浚澗泝飢風於卷阿指千秋以厲響俟寂  
寞之來和懷前脩之彷彿覲幽人乎所過抱玄  
景以獨寐含清風而寤語發蘭音以清唱操玉



陸平原集 卷二  
三  
懷而喻予於是葺宇中陵築室河曲軌絕千途  
而門瞻百族假妙道以達觀考責龜而貞卜苟  
形骸之可忘豈投簪其必谷方介丘於尺阜託  
雲林乎一木佇鳴條以招風聆哀音其如玉窮  
覽物以盡齒將弭跡於餘足

對豪士賦

有序

夫立德之基有常而建功之路不一何則循心  
以爲量者存乎我因物以成務者繫乎彼存夫  
我者隆殺止乎其域繫乎物者豐約唯所遭遇  
落葉俟微風以隕而風之力蓋寡孟嘗遭雍門  
以泣而琴之感以末何者欲隕之葉無所假烈  
風將墜之泣不足繁哀響也是故苟時啓於天  
理盡於民庸夫可以濟聖賢之功斗筲可以定  
烈士之業故曰才不半古而功已倍之蓋得之



於時勢也歷觀古今徼一時之功而居伊周之位者有矣夫我之自我智士猶嬰其累物之相物昆蟲皆有此情夫以自我之量而挾非常之勲神器暉其顧盼萬物隨其俯仰心玩居常之安耳飽從諛之說豈識乎功在身外任出才表者哉且好榮惡辱有生之所大期忌盈害上鬼神猶且不免人主操其常柄天下服其大節故曰天可讎乎而時有衺服荷戟立乎廟門之下援旗誓衆奮於阡陌之上况乎代主制命自下

裁物者哉廣樹恩不足以敵怨勤興利不足以補害故曰代大匠斲者必傷其手且夫政由寡氏忠臣所爲慷慨祭則寡人人主所不久堪是以君奭鞅鞅不悅公旦之舉高平師師側目博陸之勢而成王不遣嫌吝於懷宣帝若負芒刺於背非其然者歟嗟乎光于四表德莫富焉王曰叔父親莫昵焉登帝天位功莫厚焉守節沒齒忠莫至焉而傾側顛沛僅而自全則伊生抱明允以嬰戮文子懷忠敬而齒劍固其所也因



陸平原集 卷二 五  
斯以言夫以篤聖穆親如彼之懿大德至忠如  
此之盛尚不能取信於人主之懷止謗於衆多  
之口過此以往惡覩其可安危之理斷可識矣  
又况乎饗大名以冒道家之忌運短才而易聖  
哲所難者哉身危由於勢過而不知去勢以求  
安禍積起於寵盛而不知辭寵以招福見百姓  
之謀已則申宮警守以崇不畜之威懼萬民之  
不服則嚴刑峻制以賈傷心之怨然後威窮乎  
震主而怨行乎上下衆心日侈危機將發而方

信仰瞪眄謂足以夸世笑古人之未工忘已事  
之已拙知曩勲之可矜暗成敗之有會是以事  
窮運盡必於顛仆風起塵合而禍至常酷也聖  
人忌功名之過已惡寵祿之踰量蓋爲此也夫  
惡欲之大端賢愚所共有而游子徇高位於生  
前志士思壘名於身後受生之分唯此而已夫  
蓋世之業名莫大焉震主之勢位莫盛焉率意  
無違欲莫順焉借使伊人頗覽天道知盡不可  
益盈難久持超然自引高揖而退則巍巍之盛



仰邈前賢洋洋之風俯冠來籍而大欲不乏於  
身至樂無愆乎舊節彌効而德彌廣身愈逸而  
名愈劭此之不爲彼之必昧然後河海之迹堙  
爲窮流一簣之釁積成山岳名編凶頑之條身  
厭荼毒之痛豈不謬哉故聊賦焉庶使百世少  
有寤云

世有豪士兮遭國顛沛攝窮運之歸期當衆通  
之所會苟時至而理盡譬摧枯而振敗因天地  
以運動恒才瑣而功大於是禮極上典服盡暉  
崇儀北辰以葺宇實蘭室而桂宮撫玉衡於樞  
極運萬物乎掌中伊天道之剛健猶時至而必  
嘗日罔中而弗昃月何盈而不闕襲覆車之危  
軌笑前乘之去穴若知險而退止趨歸蕃而自  
戢推璇璣以長謝顧萬物而高揖訖浮雲以邁  
志豈咎吝之能集擠爲山以自隕歎禍至於何  
及







白雲賦

攄神景於八幽合洪化乎烟煴充宇宙以播象  
協元氣而齊勳發憤靈石擢性洪流與曜曾泉  
升迹融丘盈八紘以餘憤雖彌天其未泄豈假  
期於遷晷遇崇朝而倏忽紅葉發而菌萐金翹  
援而合葩神收鬼化弼性違序鳥殊類而比棲  
獸異迹而同處蛟引翳而並潛龍攀鴻而雙舉  
鸞舞角以軒罷鷲企翮而延佇長城曲蜿采閣  
栢扶聳瑤臺之嶽嶭構瓊闥之離婁雄虹矯而







野坳奏君馬詠南城慘巫山之遐險歡芳樹之  
可榮

又

宮備衆聲體僚君器飾聲成文彫音作蔚響以  
形分曲以和綴放嘉樂於會通宜萬變於觸類  
適清響以定奏期要妙於豐會邈拊搏之所管  
務曷歷之爲聿

漏刻賦

偉聖人之制器妙萬物而爲基形罔隆而弗包  
理何遠而不之寸管俯而陰陽效其誠尺表仰  
而日月與之期玄鳥懸而八風以情應玉衡立  
而天地不能欺旣窮神以盡化又設漏以考時  
爾乃挈金壺以南羅藏幽水而北戢擬淇殺於  
編鍾順卑高而爲級激懸泉以遠射跨飛途而  
遙集伏陰蟲以承波吞恒流其如挹是故來象  
神造去猶鬼幻因勢相引乘靈自薦口納胸吐



陸平原集 卷二  
水無滯咽形微獨蜚之緒逝若垂天之電偕四  
時以合晷指昏明乎無殿籠八極於千分度晝  
夜乎一箭抱百刻以駿浮仰胡人而利見夫其  
立體也簡而効績也誠其假物也粗而致用也  
精積水不過一鐘導流不過一筵而用天者因  
其敏分地者賴其平徵聽者假其察貞觀者借  
其明考計歷之潛慮測日月之幽情信探曠之  
妙術雖無神其若靈

羽扇賦

昔楚襄王會於章臺之上山西與河右諸侯在  
焉大夫宋玉唐勒侍皆操白鶴之羽以爲扇諸  
侯掩塵尾而笑襄王不悅宋玉趨而進曰敢問  
諸侯何笑諸侯曰昔者武王玄覽造扇於前而  
五明安衆庶繁於後各有託於方圓蓋受則於  
筵甫含茲器而不用顧奚取於鳥羽宋玉曰夫  
創始者恒樸而飭終者必妍是故烹飪起於熱  
石玉輅基於推輪安衆方而氣散五明圓而風



煩未若茲羽之爲麗固體俊而用鮮彼凌霄之  
偉鳥播鮮輝之輕精隱九臯以鳳鳴游芳田而  
龍見醜靈龜而遠期超長年而久眄累懷璧於  
美羽挫千載乎一箭委曲體以受制奏雙翅而  
爲扇則其布翮也差洪細秩長短稠不逼稀不  
簡於是鏤巨獸之齒裁奇木之榦憲靈樸於造  
化審貞則而妙觀移圓根於正體因天秩乎舊  
貫鳥不能別其是非人莫敢分其真屬翩翩姍姍  
以微振風飄飄以垂婉妙自然以爲言故不積  
而能散其執手也安其應物也誠其招風也利  
其播氣也平混貴賤而一節風無往而不清諸  
侯曰善宋玉遂言曰伊茲羽之駿敏似南箕之  
啓扉垂皓曜之奕奕含鮮風之微微襄王仰而  
拊節諸侯伏而引非皆委扇於楚庭執鳥羽而  
言歸屬唐勒而爲之辭曰  
伊鮮禽之令羽夫何翩翩與耿耿反寒暑於一  
掌之末迴八風乎六翮之杪







陸平原集 卷二  
音唯歷數之有紀恒依物以表德豈神明之所  
相將我皇之先識誇百世而勿剪超長年以永  
植

辰賦

佳哉辰之爲德邈衆采而莫賢殷申和之淳祐  
播滋榮於甫田背芳春以初載迎朱夏而自延  
奮脩系之莫莫邁秀飀之綿綿赴廣武以長蔓  
粲煙接以雲連感佳時而促節蒙惠露而增鮮  
若乃紛敷雜錯鬱悅娑娑發彼適此迭相經過  
熙朗日以熠燿扇和風其如波有葛藟之覃及  
相椒聊之衆多發金榮於秀翹結玉實於柔柯  
蔽翠景以自育綴脩莖而星羅夫其種族類數



則有栝萁定桃黃齏白傳金文密筩小青大班  
玄鼯素椀狸首虎蹯東陵出於秦谷桂髓起於  
巫山五色比象殊形異端或濟貌以表內或惠  
心而醜顏或攄文而抱綠或披素而懷丹氣洪  
細而俱芬體脩短而必圓芳郁烈其充堂味窮  
理而不餽德弘濟於飢渴道殷流乎貴賤若夫  
濯以寒水淬以夏凌越氣外歛溫液密凝體猶  
握虛離若剖冰

鼈賦

有引

皇太子幸于釣臺漁人獻鼈命侍臣作賦

其狀也穹脊連脅玄甲四周遁方圓於規矩徒  
廣狹以妨循盈尺而脚寸又取具於指掌鼻嘗  
氣而忌脂耳無聽而受響是以棲居多逼出處  
寡便尾不副首足不運身於是從容澤畔肆志  
汪洋朝戲蘭渚夕息中塘越高波以燕逸竄洪  
流而潛藏咀蕙蘭之芳芟翳華藕之垂房



其可與不隨首以不與身故以不與心故以不與神故以不與志  
深而思則直無讓而受勝其長以難其多而不可  
其然也嘗春更替及至則風散方圓故其狀  
皇太子幸于陸臺無人精微心自非類

續類

陸平原集卷之三

晉吳郡陸機士衡著

明閩漳張燮紹和纂

樂府

短歌行 以下四言

置酒高堂悲歌臨觴人壽幾何逝如朝霜時無  
重至華不再揚蘋以春暉蘭以秋芳來日苦短  
去日苦長今我不樂蟋蟀在房樂以會興悲以  
別章豈曰無感憂為子忘我酒既旨我肴既臧



陸平原集 卷三  
短歌有詠長夜無荒

秋胡行

道雖一致塗有萬端吉凶紛藹休咎之源人鮮  
知命命未易觀生亦何惜功名所歎

隴西行

我靜如鏡民動如煙事以形兆應以象懸豈曰  
無才世鮮興賢

日出東南隅行

或曰羅敷豔歌  
以下五言

扶桑升朝暉照此高臺端高臺多妖麗濬房出

清顏淑貌耀皎日惠心清且閑美目揚玉澤蛾  
眉象翠翰鮮膚一何潤秀色若可餐窈窕多容  
儀婉媚巧笑言暮春春服成粲粲綺與紈金雀  
垂藻翹瓊佩結瑤璠方駕揚清塵濯足洛水瀾  
藹藹風雲會佳人一何繁南崖充羅幕北渚盈  
輶軒清川含藻景高岸被華丹馥馥芳袖揮冷  
冷纖指彈悲歌吐清響雅舞播幽蘭丹唇含九  
秋妍迹陵七盤赴曲迅驚鴻蹈節如集鸞綺態  
隨顏變沈姿無定

一作  
乏

源俯仰紛阿那顧步咸



陸平原集 卷三 二  
可懽遺芳結飛颺浮景映清湍冶容不足詠春  
遊良可歎

挽歌三首

卜擇考休貞嘉命咸在茲夙駕警徒御結轡頓  
重基龍輅被廣柳前驅矯輕旗殯宮何嘈嘈哀  
響沸中闈中闈且勿喧聽我薤露詩死生各異  
倫祖載當有時舍爵兩楹位啓殯進靈輜飲餞  
觴莫舉出宿歸無期惟衽曠遺影棟宇與子辭  
周親咸犇湊友朋自遠來翼翼飛輕軒駸駸策  
素騏按轡遵長薄送子長夜臺呼子子不聞泣  
子子不知歎息重櫬側念我疇昔時三秋猶足  
收萬世安可思殉沒身易亡殺子非所能含言  
言哽咽揮涕涕流離

流離親友思惆悵神不泰素驂佇轎軒玄駟驚  
飛蓋哀鳴與殯宮迴遲悲野外魂輿寂無響但  
見冠與帶備物象平生長旌誰爲旆悲風微行  
軌傾雲結流靄振策指靈丘駕言從此逝  
重阜何崔嵬玄廬竄其間磅礴立四極穹隆放



蒼天側聽陰溝涌卧觀天井懸壙五臣作廣宵何寥廓大暮安可晨人往有返歲我行無歸年昔居四民宅今託萬鬼隣昔爲七尺軀今成灰與塵金玉素所佩鴻毛今不振豐肌饗螻蟻妍姿永夷泯壽堂延魑魅虛無自相賓螻蟻爾何怨魑魅我何親拊心痛荼毒永歎莫爲陳

### 長歌行

逝矣經天日悲哉帶地川寸陰無停晷尺波豈徒旋年往信勁矢時來亮急弦遠期鮮克及盈數固希全容華夙夜零體澤坐自捐茲物苟難傳吾壽安得延俛仰逝將過倏忽幾何間慷慨亦焉訴天道良自然但恨功名薄竹帛無所宣迨及歲未暮長歌乘我閑

### 君子行

天道夷且簡人道險而難休咎相乘攝翻覆若波瀾去疾苦不遠疑似實生患近火固宜熱履冰豈惡寒撥蜂滅天道拾塵惑孔顏逐臣尚何有棄友焉足歎福鍾恒有兆禍集非無端天損



未易辭人益猶可歡朗鑒豈遠假取之在傾冠  
近情苦自信君子防未然

從軍行

苦哉遠征人飄飄五臣作飄窮四遐南陟五嶺巔北

戍長城阿深五臣作谿谷邈五臣作深無底崇山鬱嵯峩

奮臂攀喬木振迹涉流沙隆暑固已慘涼風嚴

且苛夏條焦鮮藻寒冰結衝波胡馬如雲屯越

旗亦星羅飛鋒無絕影鳴鏑自相和朝飡不免

宵夕息常荷戈苦哉遠征人撫心悲如何

苦寒行

北遊幽朔城涼野多險難五臣作艱俯入窮谷底仰

陟高山盤凝冰結重礧積雪被長巒陰雲興巖

側悲風鳴樹端不覩白日景但聞寒鳥喧猛虎

憑林嘯玄猿臨岸歎夕宿喬木下慘愴恒鮮歡

渴飲堅冰漿飢待零露餐離思固已久寤寐莫

與言劇哉行役人慊慊恒苦寒

豫章行

汎舟清川渚遙望高山陰川陸殊塗軌懿親將



遠尋三荆歡同株四鳥悲異林樂會良自古悼  
別豈獨今寄世將幾何日旻無停陰前路旣已  
多後塗隨年侵促促薄暮景疊疊鮮克禁曷爲  
復以茲曾是懷苦心遠節嬰物淺近情能不深  
行矣保嘉福景絕繼以音

長安有狹邪行

伊洛有岐路岐路交朱輪輕蓋承華景騰步躡  
飛塵鳴玉豈樸儒憑軾皆俊民烈心厲勁秋麗  
服鮮芳春余本倦游客豪彥多舊親傾蓋承芳  
訊欲鳴當及晨守一不足矜岐路良可遵規行  
無曠迹矩步豈逮人投足緒已爾四時不必循  
將遂殊塗軌要子同歸津

塘上行

江籬生幽渚微芳不足宣被蒙風雲會移居華  
池邊發藻玉臺下垂影滄浪泉霑潤旣已渥結  
根與且堅四節逝不處繁華難久鮮淑氣與時  
殞餘芳隨風捐天道有遷易人理無常全男權  
智傾愚女愛衰避妍不惜微軀退但懼蒼蠅前



願君廣末光照妾薄暮年

折楊柳

邈矣垂天景壯哉奮地雷豐隆豈久響華光但  
西隕日落似有竟時逝恒若催仰悲朗月運坐  
觀旋蓋迴盛門無再入衰房莫苦開人生固已  
短出處鮮爲諧慷慨惟昔人興此千載懷升龍  
悲絕處葛藟變條枚寤寐豈虛歎曾是感與摧  
弭意無足歡願言有餘哀

飲馬長城窟行

驅馬陟陰山山高馬不前往問陰山候勁虜在  
燕然戎車無停軌旌旆屢徂遷仰憑積雪巖俯  
涉堅冰川冬來秋未反去家邈以緜儉狃亮未  
夷征人豈徒旋末德爭先鳴凶器無兩全師克  
薄賞行軍沒微軀捐將遵甘陳迹收功單于旃  
振旅勞歸士受爵藁街傳

門有車馬客行

門有車馬客駕言發故鄉念君久不歸濡跡涉  
江湘投袂赴門塗攬衣不及裳拊膺攜客泣掩



淚叙溫涼借問邦族間惻愴論存亡親友多零  
落舊齒皆彫喪市朝忽遷易城闕或丘荒墳壟  
日月多松柏鬱芒芒天道信崇替人生安得長  
慷慨惟平生俛仰獨悲傷

權歌行

遲遲暮春日天氣柔且嘉元吉隆初已濯穢遊  
黃河龍舟浮鷁首羽旗垂藻葩乘風宣飛景逍  
遙戲中波名謳激清唱榜人縱棹歌投綸沈洪  
川飛繳入紫霞

太山吟

太山一何高迢迢造天庭峻極周已遠曾雲鬱  
冥冥梁甫亦有館蒿里亦有亭幽塗延萬鬼神  
房集百靈長吟太山側慷慨激楚聲

梁甫吟

玉衡旣已驂羲和若飛凌四運循環轉寒暑自  
相承冉冉年時暮迢迢天路徵招搖東北指大  
火西南昇悲風無絕響玄雲互相仍豐冰憑川  
結零一作寒露彌天凝年命時相逝慶雲鮮克乘



履信多愆期思順焉足憑慷慨臨川響非此孰  
爲興哀吟梁甫巔慷慨獨拊膺

東武吟行

投跡短世間高步長生闔濯髮冒雲冠浣身被  
羽衣飢從韓衆餐寒就佚女棲

婕妤怨

婕妤去辭寵淹留終不見寄情在玉階託意惟  
團扇春苔暗階除秋草蕪高殿黃昏一作昏黃履綦  
絕愁來空雨面

駕言出北闕行

駕言出北闕躑躅遵山陵長松何鬱鬱丘墓互  
相承念昔徂歿子悠悠不可勝安寢重冥廬天  
壤莫能興人生何所促忽如朝露凝辛苦百年  
間戚戚如履冰仁智亦何補遷化有明徵求仙  
鮮克仙太虛不可凌良會罄美服對酒宴同聲

君子有所思行

命駕登北山延佇望城郭塵里一何盛街巷紛  
漠漠甲第崇高闈洞房結阿閣曲池何湛湛清



陸平原集 卷三 九  
川帶華薄遂宇列綺窓蘭室接羅幕淑貌色斯  
升哀音承顏作人生誠行邁容華隨年落善哉  
膏梁士營生與且博宴安消靈根鳩毒不可恪  
無以肉食資取笑葵與藿

悲哉行

游客芳春林春芳傷客心和風飛清響鮮雲垂  
薄陰蕙草饒淑氣時鳥多好音翩翩鳴鳩羽啾  
啾倉庚音五臣作吟幽蘭盈通谷長秀被高岑女蘿  
亦有託蔓葛亦有尋傷哉客遊士憂思一何深

目感隨氣草耳悲詠時禽寤寐多遠念緬然若  
飛沈願託歸風響寄言遺所欽

齊謳行

營丘負海曲沃野爽且平洪川控河濟崇山入  
高冥東被姑尤側南界聊攝城海物錯萬類陸  
產尚千名孟諸吞楚夢百二侔秦京惟師恢東  
表桓后定周傾天道有迭代人道無久盈鄙哉  
牛山歎未及至人情爽鳩苟已徂吾子安得停  
行行將復去長存非所營



吳趨行

楚妃且勿歎齊娥且勿謳四坐並清聽聽我歌  
吳趨吳趨自有始請從閭門起閭門何峩峩飛  
閣跨通波重巒承游極回軒啓曲阿藹藹慶雲  
被冷冷祥風過山澤多藏育土風清且嘉泰伯  
導仁風仲雍揚其波穆穆延陵子灼灼光諸華  
王迹隕陽九帝功興四遐大皇自富春矯手頓  
世羅邦彥應運興粲若春林葩屬城咸有士吳  
邑最爲多八族未足侈四姓實名家文德熙淳  
懿武功侔山河禮讓何濟濟流化自滂沱淑美  
難窮紀商榷爲此歌

前緩聲歌

游仙聚靈族高會層城阿長風萬里舉慶雲鬱  
嵯峨宓妃興洛浦王韓起太華北徵瑤臺女南  
要湘川娥肅肅宵駕動翩翩翠蓋羅羽旗棲瓊  
鸞玉衡吐鳴和太容揮高絃洪崖發清歌獻酬  
旣已周輕舉乘紫霞總轡扶桑枝濯足暘谷波  
清輝溢天門垂慶惠皇家



吳趨行

蜜蒲葢重簾。唯有遠相思。藕葉清朝釧。何見早還時。

飲酒樂

飲酒須飲多。人生能幾何。百年須受樂。莫厭管絃歌。

董桃行

以下六言

和風習習薄林。柔條布葉垂陰。鳴鳩拂羽相尋。倉庚喈喈弄音。感時回逝傷心。日月相追周

旋萬里。倏忽幾年人。皆冉冉。西遷感時一往不還。慷慨乖念。悽然昔爲少年。無憂常恡秉燭。夜遊翩翩。宵征何求于今。知此有由。但爲老去。年適盛固。有衰不疑。長夜冥冥。無期何不驅馳。及時聊樂。永日自怡。齋此遺情。何之。人生居世爲安。豈若及時爲歡。世道多故。萬端憂慮。紛錯交顏。老行及之。長歎。

上留田行

嗟行人之藹藹。駿馬陟原風馳。輕舟泛川雷邁。



寒往暑來相尋零雪霏霏集宇悲風徘徊入襟  
歲華冉冉方除我思纏綿未紓感時悼逝悽如

飲酒樂

樂府作還臺樂  
謂陳陸瓊詩誤

蒲萄四時芳醇瑠璃千鍾舊賓夜飲舞遲銷燭  
朝醒絃促催人春風秋月恒好驩醉日月言新

燕歌行

七言

四時代序逝不追寒風習習落葉飛蟋蟀在堂  
露盈墀念君客遊常苦悲君何緬然久不歸賤  
妾悠悠心無違白日既沒明燈輝夜一作寒禽赴

林匹鳥棲雙鳩關關宿河湄憂來感物涕不晞  
非君之念思爲誰別日何早會何遲

猛虎行

以下  
雜言

渴不飲盜泉水熱不息惡木陰惡木豈無枝志  
士多苦心整駕肅時命杖策將遠尋飢食猛虎  
窟寒棲野雀林日歸功未建時往歲載陰崇雲  
臨岸駭鳴條隨風吟靜言幽谷底長嘯高山岑  
急絃無懦響亮節難爲音人生誠未易曷云開  
此衿眷我耿介懷俯仰愧古今



鞠歌行

序曰按漢宮閣有含章鞠室靈芝鞠室後漢馬防第宅卜臨道連閣通池鞠城彌於街路鞠歌將謂此也又東阿王詩連騎擊壤或謂臧鞠乎三言七言雖奇寶名器不遇知己終不見重願逢知己以託意焉

朝雲升應龍攀乘風遠遊騰雲端鼓鐘歇豈自歡急絃高張思和彈時希值年夙愆循已雖易人知難王陽登貢公歡罕生旣沒國子歎嗟千載豈虛言邈矣遠念情愴然

順東西門行

出西門望天庭陽谷旣虛掩嘔盈感朝露悲人生逝者若斯安得停桑樞戒蟋蟀鳴我今不樂歲聿征迨未暮及時平置酒高堂宴友生激朗笛彈哀箏取樂今日盡歡情

日重光行

日重光柰何天迴薄日重光冉冉其遊如飛征日重光今我日華華之盛日重光倏忽過亦安



陸平原集 卷三 十四  
停日重光盛往衰亦必來日重光譬如四時固  
恒相催日重光惟命有分可營日重光但惆悵  
才志日重光身沒之後無遺名

### 月重輪行

人生一時月重輪盛年安可持月重輪吉凶倚  
伏百年莫我與期臨川曷悲悼茲去不從肩月  
重輪功名不勗之善哉古人揚聲敷聞九服身  
名流何穆旣自才難旣嘉運亦易愆俛仰行老  
存沒將何所觀志士慷慨獨長歎獨長歎

### 百年歌十首

一十時顏如舜華雖有軀體如飄風行如飛變  
彼孺子相追隨終切出遊薄暮歸六情逸豫心  
無違清酒漿炙柰樂何清酒漿炙柰樂何  
二十時膚體彩澤八理成矣日淑貌灼有榮被  
服冠帶麗且清光車駿馬遊都城高談雅步何  
盈盈清酒漿炙柰樂何清酒漿炙柰樂何

三十時行成名立有令聞力可扛鼎志干雲食  
如漏卮氣如熏辭家觀國綜典文高冠素帶煥



世平原集 卷三 十一  
紛紛清酒漿炙柰樂何清酒漿炙柰樂何

四十時體力克壯志方剛跨州越郡還帝鄉出入承明擁大璫清酒漿炙柰樂何清酒漿炙柰樂何

五十時荷旄仗節鎮邦家鼓鐘嘈囀趙女歌羅衣絳絜金翠華言笑雅舞相經過清酒漿炙柰樂何清酒漿炙柰樂何

六十時年亦耆艾業亦隆驂駕四牡入紫宮軒冕婀娜翠雲中子孫昌盛家道豐清酒漿炙柰樂何

樂何清酒漿炙柰樂何

七十時精爽頗損膂力愆清水明鏡不欲觀臨

樂對酒轉無歡攬衣羞

一作脩

髮獨長歎

八十時明已損目聰去耳前言往行不復紀辭官致祿歸桑梓安車駟馬入舊里樂事告終憂事始

九十時日告耽瘁月告衰形體雖是志意非言多謬誤心多悲子孫朝拜或問誰指景玩日慮安危感念平生淚交揮



百歲時盈數已登肌肉單四支百節還相患目  
苦濁鏡口垂涎呼吸頓感反側難茵褥滋味不  
復安

陸平原集卷之四

晉吳郡陸機士衡著

明閩漳張燮紹和纂

詩

皇太子宴玄圃宣猷堂有令賦詩

三正迭紹洪聖啓運自昔哲王先天而順群辟  
崇替降及近古黃暉旣渝素靈承祐乃眷斯顧  
祚之宅土三后始基世武丕承協風旁駭天晷  
仰澄淳曜六合皇慶攸興自彼河汾奄齊七政



時文惟晉世篤其聖欽翼昊天對揚成命九區  
克咸謳歌以詠皇上纂隆經教弘道于化旣豐  
在工載考俯釐庶績仰荒大造儀刑祖宗妥綏  
天保篤生我后克明克秀體輝重光承規景數  
茂德淵冲天姿玉裕崑爾小臣邈彼荒遐弛厥  
負擔振纓承華匪願伊始惟命之嘉

皇太子賜讌詩

明明隆晉茂德有赫思媚上帝配天光宅誕育  
皇儲儀刑在昔徽言時宣福祿來格勞謙降貴

身敬下臣肇彼先驅翻成嘉賓

贈馮文罷遷斥丘令

八章

於皇聖世時文惟晉受命自天奄有黎獻闡闔  
旣闢承華再建明明在上有集惟彥

奕奕馮生哲問允迪天保定子靡德不鑠邁心  
玄曠矯志崇邈遵彼承華其容灼灼

嗟我人斯戢翼江潭有命集止翻飛自南出自  
幽谷及爾同林雙情交暎遺物識心

人亦有言交道寔難有頽者弁千載一彈今我



與子曠世齊歡利斷金石氣惠秋蘭

羣黎未綏帝用勤止我求明德肆于百里僉曰

爾諧俾民是紀乃眷北徂對揚帝祉

疇昔之遊好合纏綿借曰未給五臣作洽亦既三年

居陪華幄出從朱輪方驥齊鑣比迹同塵

之子既命四牡項領遵塗遠路騰軌高騁慶雲

扶質清風承景嗟我懷人其邁惟永

否泰有善作苟殊窮達有違及子春華後爾秋暉

逝將去我陟彼朔陲非子之念心孰為悲

答賈謐十一章有序

余昔為太子洗馬曾公賈長淵以散騎常侍

侍東宮積年余出補吳王郎中令元康六年

入為尚書郎曾公贈詩一篇作此詩答之云

爾

伊昔有皇肇濟黎烝先天創物景命是膺降及

羣后迭毀迭興邈矣終古崇替有徵

在漢之季皇綱幅裂大辰匿暉金虎曜質雄臣

馳騫義夫赴節釋位揮戈言謀王室



陸三原集  
卷四  
三  
王室之亂靡邦不泯如彼墜景曾不可振乃眷  
三哲俾乂斯民啓土綏難收物承天

爰茲有魏卽宮天邑吳實龍飛劉亦岳立干戈  
載揚俎豆載戢民勞師興國玩凱入

天厭霸德皇祚告釁獄訟違魏謳歌適晉陳留  
歸藩我皇登禪庸岷稽顙三江改獻

赫矣隆晉奄宅率土對揚天人有序斯祐惟公  
太宰光翼二祖誕育洪胄纂戎于魯

東朝旣建淑問峩峩我求明德濟同以和魯公  
戾止袞服委蛇思媚皇儲高步承華

昔我逮茲時惟下僚及子棲遲同林異條年殊  
志比服舛義稠游跨三春情固二秋

祗承皇命出納無違往踐蕃朝來步紫微升降  
祕閣我服載暉孰云匪懼仰肅明威

分索則易携手實難念昔良游茲焉永歎公之  
云感貽此音翰蔚彼高藻如玉如蘭

惟漢有木曾不踰境惟南有金萬邦作詠民之  
胥好猶狂厲聖儀刑在昔予聞子命



潘岳爲賈謐作贈陸機十一章附

肇自初創二儀網緼粵有生民伏羲始君結  
繩闡化八象成文芒芒九有區域以分  
神農更王軒轅承紀畫野離疆爰封衆子夏  
殷旣襲宗周繼祀綿綿辰飀六國互峙  
疆秦兼并吞滅四隅子嬰回視漢祖膺圖靈  
獻微弱在湟則渝三雄鼎足孫啓南吳  
南吳伊何僭號稱王大晉統天仁風遐揚僞  
孫銜璧奉土歸疆婉婉長離凌江而翔

長離云誰咨爾陸生鶴鳴九臯猶載厥聲况  
乃海隅播名上京爰應旌招撫翼宰庭  
儲皇之選實簡惟良英英朱鸞來自南岡曜  
藻崇正玄冕丹裳如彼蘭蕙載採其芳  
藩岳作鎮輔我京室旋反桑梓帝弟作弼或  
云國宦清塗攸失吾子洗然恬淡自逸

廊廟惟清俊又是延擢應嘉舉自國而遷齊  
轡羣龍光讚納言優游省闈珥筆華軒

昔余與子縑綵東朝雖禮以賓情通友僚嬉



陸平原集 卷四 五  
娛絲竹撫鞞舞韶脩日朗月攜手逍遙  
自我離羣二周于今雖簡其面分著情深子  
其超矣實慰我心發言爲詩俟望好音  
欲崇其高必重其層立德之柄莫匪安恒在  
南稱甘度北則橙崇子鋒穎不頽不崩

贈弟士龍

余弱年夙孤與弟士龍銜卹喪庭續會逼王  
命墨經卽戎時並縈髮悼心告別漸歷八載  
家邦顛覆允厥同生彫落殆半收迹之日感  
物興哀而龍又先在四時追當祖載二昆不  
容逍遙銜痛東徂遺情西慕故作是詩以寄  
其哀苦焉

於穆予宗稟精東嶽誕育祖考造我南國南國  
克靖實繇洪績惟帝念功載繁其錫其錫惟何  
玄冕衮衣金石假樂旄鉞授威匪威是信稱平  
遠德奕世台衡扶帝紫極

篤生三昆克明克俊遵塗結轍承風襲問帝曰  
欽哉纂戎列祚雙組式帶綬章載路卽命荆楚



對揚休顧肇敏厥績武功聿舉烟煜芳素綢繆  
江濤昊天不弔胡寧棄予

嗟予人斯胡德之微闕彼遺軌則此頑違王事  
匪盥旂旆屢振委籍舊戈統厥征人祈祈征人  
載肅載閑駸駸戎馬有 有翰昔子翼考惟斯  
伊撫今予小子繆尋末緒

有命自天崇替靡常王師乘運席卷江湘雖  
守守從武臣守局下列譬彼飛塵洪波雷擊  
與衆同泯顛跋西夏收迹舊京俯慚堂構仰悽

藝文類  
聚作惟

先靈孰云恐愧寄之我情

伊我俊第咨爾士龍懷襲瑰瑋播殖清風非德  
莫勤非道莫弘垂翼東畿耀穎名邦綿綿洪統  
非爾孰崇依依同生恩篤情結義存並濟胡樂  
之悅願爾偕老携手黃髮

昔我西征扼腕川湄掩涕卽路耀袂長辭六龍  
促節逝不我待自往迄茲曠年八祀悠悠我思  
非爾焉在昔並垂髮今也將老銜哀茹感契濶  
充飽嗟我人斯胡卹之早



陸平原集 卷四 七  
天步多艱性命難誓常懼隕斃孤魂殊裔存不  
阜物沒不增壤生若朝風死猶絕景視彼浮遊  
方之僑客眷此黃廬譬之斃宅匪身是去亮會  
伊惜其惜伊何言紆其思其思伊何悲彼曠  
出車戒塗言告言歸蓐食驚駕夙興宵馳濛雨  
之陰炤月之輝陸陵峻坂川越洪漪爰屈爰止  
步彼高堂失爾羽邁良願中荒我心永懷匪悅  
匪康

昔我斯逝兄弟孔仁今我來思或彫或疚昔我  
斯逝族有餘榮今我來思堂有哀聲我行其道  
鞠爲茂草我履其房物存人亡拊膺涕泣血淚  
彷徨

企佇朔路言送爾歸心存言宴日想容輝迫彼  
窀穸載驅東路繼其桑梓肆力丘墓婉兮變兮  
興懷罔極眷言顧之使我心惻

贈潘尼

水會于海雲翔于天道之所混孰後孰先及子  
雖殊同升太玄舍彼玄冕襲此雲冠遺情市朝



陸平原集 卷四  
永志丘園靜猶幽谷動若揮蘭

潘尼答陸士衡附

顧茲蓬蔚厠根蘭陂膏澤雖均華不足披逮  
春不茂未秋先萎子濯鱗翼我挫羽儀願言  
難常載合載離昔遊禁闥祇畏夕惕今放丘  
園縱心夷易口詠新詩目玩文跡予志耕圃  
爾勤王役慙無琬琰以訓尺璧

答潘尼

於穆同心如瓊如林我東日徂來餞其琛彼美

潘生實綜我心探我玉懷疇爾惠音

潘尼贈陸機出爲吳王郎中令附

東南之美曩惟延州顯允陸生於今藪儔振  
鱗南海濯翼清流婆娑翰林容與墳丘

玉以瑜潤隨以光融乃漸上京羽儀儲宮玩  
爾清藻味爾芳風泳之彌廣挹之彌冲

崑山何有有瑤有珉及爾同僚具惟近臣予  
涉素秋子登青春愧無老成厠彼日新

祁祁大邦惟桑惟梓穆穆伊人南國之紀帝



陸平原集 卷四 九  
曰爾諧惟王卿士俯僂從命奚恤奚喜  
我車旣巾我馬旣秣星陳夙駕載脂載轄婉  
變二宮徘徊殿闥醪澄莫饗孰慰饑渴  
昔子忝私貽我蕙蘭今子徂東何以贈旃寸  
晷惟寶豈無璵璠彼美陸生可與晤言

贈馮文羆

以下五言

昔與二三子游息承華南拊翼同枝條翻飛各  
異尋苟無凌風翮徘徊守故林慷慨誰爲感願  
言懷所欽發軫清洛汭驅馬大河陰佇立望朔  
塗悠悠迥且深分索古所悲志士多苦心悲情  
臨川結苦言隨風吟愧無雜佩贈良訊代兼金  
夫子茂遠猷欵誠寄惠音

於承明作與弟士龍

羣世嬰時網駕言遠徂征飲餞豈異族親戚第  
與兄婉變居人思紆鬱遊子情明發遺安寐晤  
言涕交纓分途長林側揮袂萬始亭佇眄要遐  
景傾耳玩餘聲南歸憇永安北邁頓承明永安  
有昨執承明子棄予俯仰悲林薄慷慨含辛楚



陸平原集 卷四  
懷往歡絕端悼來憂成緒感別慘舒翮思歸樂  
遵渚

贈弟士龍

行矣怨路長怒焉傷別促指途悲有餘臨觴歡  
不足我若西流水子爲東峙岳慷慨逝言感非  
徇居情育安得攜手俱契濶成駢服

贈尚書郎顧彥先二首

大火貞朱光積陽熙自南望舒離金虎屏翳吐  
重陰淒風迕時序苦雨遂成霖朝游忘輕羽夕

息憶重衾感物百憂生纏綿自相尋與子隔蕭  
墻蕭墻阻且深彤影曠不接所託聲與音音聲  
日夜濶何用慰吾心

朝遊遊層城夕息旋直廬迅雷中宵激驚電光  
夜舒玄雲拖朱閣振風薄綺䟽豐注溢修雷潢  
潦浸階除停陰結不解通衢化爲渠沈稼湮梁  
穎流民泝荆徐眷言懷桑梓無乃將爲魚

贈顧交趾公貞

顧侯體明德清風肅已邁發迹翼藩后改授撫



陸平原集 卷四  
南裔伐鼓五嶺表揚旌萬里外遠績不辭小立  
德不在大高山安足凌巨海猶縈帶惆悵瞻飛  
駕引領望歸旆

答張士然

潔身躋秘閣秘閣峻且玄終朝理文案薄暮不  
遑眠善作駕言巡明祀致敬在祈年逍遙春王  
圃五臣躑躅千畝田迴渠繞曲陌通波扶直阡  
嘉穀垂重穎芳樹發華顛余固水鄉士總轡臨  
清淵戚戚多遠念行行遂成篇

贈從兄車騎

狐獸思故藪離鳥悲舊林翩翩游宦子辛苦誰  
爲心髣髴谷水陽婉孌崑山陰營魄懷茲土精  
爽若飛沈寤寐靡安豫願言思所欽感彼歸途  
艱使我怨慕深安得忘憂草言樹背與襟斯言  
豈虛作思鳥有悲音

爲顧彥先贈婦二首

辭家遠行游悠悠三千里京洛多風塵素衣化  
爲緇脩身悼憂苦感念同懷子隆思亂心曲沈



陸平原集 卷四  
歡滯不起歡沈難克興心亂誰爲理願假歸鴻  
翼翻飛游江汜

東南有思婦長歎充幽闥借問歎何爲佳人眇  
天末游宦久不歸山川脩且濶形影參商乖音  
息曠不達離合非有常譬彼絃與箏願保金石  
軀慰妾長飢渴

爲陸思遠婦作

二合兆嘉偶女子禮有行潔已入德門終遠母  
與兄如何耽時寵游宦忘歸寧雖爲三載婦願

景媿虛名歲暮饒悲風洞房涼且清拊枕循薄  
質非君誰見榮離君多悲心寤寐勞人情敢忘  
桃李陋側想瑤與瓊

爲周夫人贈車騎

碎碎織細練爲君作繡君行豈有顧憶君是  
妾夫昔者得君書聞君在高平今時得君書聞  
君在京城京城華麗所璀璨多異人男兒多遠  
志豈知妾念君昔者與君別歲律薄將暮日月  
一何速素秋墜湛露湛露何冉冉思君歲隨晚



對食不能食臨觴不能飯

祖道畢雍孫劉邊仲潘正叔

皇儲延髦俊多立出幽遐適值

一作遂

時來運與

子遊承華執笏崇賢內振纓層城阿畢劉贊文  
武潘生蒞邦家感別懷遠人願言歎以嗟

赴洛二首

希世無高符管道無烈心靖端肅有命假楫越  
江潭親友贈予邁揮淚廣川陰撫膺解攜手永  
歎結遺音無迹有所匿寂寞聲必沈肆日眇不

及緬然若雙潛南望泣玄渚北邁涉長林谷風  
拂脩薄油雲翳高岑疊疊孤獸騁嚶嚶思鳥吟  
感物戀堂室離思一何深佇立慨我歎寤寐涕  
盈衿惜無懷歸志辛苦誰爲心

羈旅遠遊宦託身承華側撫劍遵銅輦振纓盡  
祇肅歲月一何易寒暑忽已革載離多悲心感  
物情悽惻慷慨遺安豫

五臣作念

永歎廢餐食思樂

樂誰誘日歸歸未克憂苦欲何爲纏綿胸臆  
仰瞻凌霄鳥羨爾歸飛翼



赴洛道中作二首

總轡登長路鳴咽辭密親借問子何之世網嬰  
我身永歎遵北渚遺思結南津行行遂已遠野  
途曠無人山澤紛紆餘林薄杳阡眠虎嘯深谷  
底雞鳴高樹巔哀風中夜流孤獸更我前悲情  
觸物感沈思鬱纏綿佇立望故鄉顧影悽自憐  
遠遊越山川山川脩且廣振策陟崇丘安轡遵  
平莽夕息抱影寐朝徂銜思往頓轡倚高巖側  
聽悲風響清露墜素輝明月一何朗撫枕不能

寐振衣獨長想

吳王郎中時從梁陳作

在昔蒙嘉運矯迹入崇賢假翼鳴鳳條濯足升  
龍淵玄冕無醜士冶服使我妍輕劍拂鞶厲五臣  
作長纓麗且鮮誰謂伏事淺契濶踰三年薄言  
肅後命改服就藩臣夙駕尋清軌遠遊越梁陳  
感物多遠念慷慨懷古人

擬行行重行行

悠悠行邁遠戚戚憂思深此思亦何思思君徽



陸平原集 卷四  
與音音徽日夜離緬邈若飛沈王鮪懷河岫晨  
風思北林遊子耿天末還期不可尋驚飈寒反  
信歸雲難寄音佇立想萬里沈憂萃我心攬衣  
有餘帶循形不盈衿去去遺情累安處撫清琴  
擬今日良宴會

閑夜命懽友置酒迎風館齊僮梁甫吟秦娥張  
女彈哀音繞棟宇遺響入雲漢四座咸同志羽  
觴不可筭高談一何綺蔚若朝霞爛人生無幾  
何爲樂常苦晏譬彼伺晨鳥揚聲當及旦曷爲

恒憂苦守此貧與賤

擬迢迢牽牛星

昭昭清漢輝粲粲光天步牽牛西北迴織女東  
南顧華容一何冶揮手如振素怨彼河無梁悲  
此年歲暮跂彼無良緣睨焉不得度引領望大  
川雙涕如霑露

擬涉江采芙蓉

上山采瓊蘂窮谷饒芳蘭采采不盈掬悠悠懷  
所歡故鄉一何曠山川阻且難沈思鍾萬里躑



陸子原集 卷四  
躅獨吟歎

擬青青河畔草

靡靡江離草熠熠生河側皎皎彼姝女阿那當  
軒織粲粲妖容姿灼灼美顏色良人遊不歸偏  
棲獨隻翼空房來悲風中夜起歎息

擬明月何皎皎

安寢北堂上明月入我牖照之有餘輝攬之不  
盈手涼風繞曲房寒蟬鳴高柳踟躕感節物我  
行永已久游宦會無成離思難常守

擬蘭若生朝陽

嘉樹生朝陽凝霜封其條執心守時信歲寒終  
不彫美人何其曠灼灼在雲霄隆想彌年月長  
嘯入飛颺引領望天末譬彼向陽翹

擬青青陵上栢

冉冉高陵蘋習習隨風翰人生當幾時譬彼濁  
水瀾戚戚多滯念置酒宴所歡方駕振飛轡遠  
遊入長安名都一何綺城闕鬱盤桓飛閣纓虹  
帶層臺冒雲冠高門羅北闕甲第椒與蘭俠客



控絕景都人驂玉軒遨遊放情願慷慨爲誰歎  
擬東城一何高

西山何其峻層曲鬱崔嵬零露彌天墜蕙葉憑  
林衰寒暑相因襲時逝忽如頽三閭結飛轡大  
羞嗟落暉曷爲牽世務中心若有違京洛多妖  
麗玉顏侔瓊蕤閒夜撫鳴琴惠音清且悲長歌  
赴促節哀響逐高徽一唱萬夫歎再唱梁塵飛  
思爲河曲鳥雙游澧水湄

擬西北有高樓

高樓一何峻迢迢

善作  
若若

峻而安綺窓出塵冥飛

陛躡雲端佳人撫琴瑟纖手清且閒芳氣隨風  
結哀響馥若蘭玉容誰能五臣  
作得顧傾城在一彈  
佇立望日晏躑躅再三歎不怨佇立久但願歌  
者歡思駕歸鴻羽比翼雙飛翰

擬庭中有奇樹

歡友蘭時往迢迢匿音徽虞淵引絕景四節逝  
若飛芳艸久已茂佳人竟不歸躑躅遵林渚惠  
風入我懷感物戀所歡采此欲貽誰



擬明月皎夜光

歲暮涼風發昊天肅明明招搖西北指天漢東  
南傾朗月照閒房蟋蟀吟戶庭翻翻歸鴈集嘒  
嘒寒蟬鳴疇昔同宴友翰飛戾高冥服美改聲  
聽居愉遺舊情織女無機杼大梁不架楹

招隱詩

明發心不夷振衣聊躑躅躑躅欲安之幽人在  
浚谷朝采南澗藻夕息西山足輕條象雲構密  
葉承翠幄激楚佇蘭林回芳薄秀木山溜何冷  
冷飛泉漱鳴玉哀音附靈波頽響赴曾曲至樂  
非有假安事澆淳樸富貴苟難圖稅駕從所欲

遨遊出西城

遨遊出西城按轡循都邑逝物隨節改時風肅  
且熠遷化有常然盛衰自相襲靡靡年時改冉  
冉老已及行矣勉良圖使爾脩名立

園葵詩二首

種葵北園中葵生鬱萋萋朝榮東北傾夕頽西  
南晞零露垂鮮澤朗月耀其輝時逝柔風戢歲



陸平原集 卷四 九  
暮商焱飛曾雲無溫液嚴霜有凝威幸蒙高壙  
德玄景蔭素蕤豐條並春盛落葉後秋衰慶彼  
晚彫福忘此孤生悲

翩翩晚彫葵孤生寄北藩被蒙覆露惠微軀後  
時殘庇足周一智生理各萬端不若聞道易但  
傷知命難

贈波丘令馮文羆

夙駕出東城送子臨江曲密席接同志羽觴飛  
鄴淥登樓望峻陂時逝一何速

贈顧彥先

清夜不能寐悲風入我軒立影對孤軀哀聲應  
苦言

贈紀士

瓊瓌俟豐價窈窕不自鬻有美蛾眉子惠音清  
且淑脩姱協姝麗華顏婉如玉

贈潘正叔

過蒙時來運與爾遊承華執笏崇賢內振纓曾  
城阿



招隱二首

駕言尋飛遯山路鬱盤桓芳蘭振蕙葉玉泉涌  
微瀾嘉卉獻時服靈木進朝飧

尋山求逸民穹谷幽且遐清泉盪玉渚文魚躍  
中波

尸鄉亭

東遊觀鞏洛逍遙丘墓間秋草漫長柯寒水入  
雲煙發軫有夙宴息駕無愚賢

三月三日

遲遲暮春日天氣柔且佳元吉隆初巳濯纓遊  
黃河

春詠

節運同可悲莫若春氣甚和風未及燠遺涼清  
且凜

詠老

軟顏收紅蘂玄鬢吐素華冉冉逝將老咄咄柰  
老何

講漢書詩



陸平原集 卷四 十一  
稅駕金華講學祕館有集惟髦芳風雅宴。

秋詠

蕭蕭素秋節湛湛濃露凝。太陽夙夜降少陰忽已升。

失題 二首

太素卜令宅希微啓奧基。玄冲纂懿文虛無承先師。

澄神玄漠流棲心太素域弭節欣高視俟我大夢覺。



聖